




392901
392926

BIBLIOTHECA
VNI^{VS} JAGELL
CRONOPOLITANVS

Mag. St. Or.




2527 III. 5. 7



Ex-Libris
PODHORCE

AGRY GRF




392901

392926

Mag. St. Dr. III

1041



2

St. John
1790

1790

1790

MAJESTAS
CLAVARUM
CONFOEDERATA

Deo consanguineis, Orbi Salutaribus
Patriæ dilectis

CRUCIBUS

ILLUSTRISSIMI & EXCELLENTISSIMI
DOMINI.

D. STANISLAI
In POTOK

POTOCKI

*Excubiarum M. D. L. Generalissimi Præfeci, Rubieso-
wienſis, Opalen: &c. Capitanei, Illmi: Castellæ: Cracov:
Magniduc: Exercituum Regni, Gloriosissimi Filij.*

&

ILLUSTRISSIMÆ ac EXCELLENTISSIMÆ
DOMINÆ,

D. MARIANNÆ
In Rozdol & Rejowiec

RZEWUSKA

*Illmi: Palat: Podlachie, Exere. Regni Campiduc: Filie
Æternitati*

SIGNATA


*A Swierſciano Mercurio Collegij Chelmenſis Scholarum Piarum
In Hymenales triumphos*

DEDUCTA.

Anno Confederatæ cum Carne Maiestatis, Domini Exercituum M. DCCXII. die Aprilis.

VARSAVIÆ Typis S. R. M. Collegij Scholarum Piarum.

32
In
Illustrissima POTOCCIORVM Arma



392917

III
—

*Tergeminos fasces, satis est habuisse Quirino;
In CRUCE stat Terna, ter decumanus honor.
Sive Gradus celsos, ad maxima Culmina, dicas,
Hâc Augusta, Lechis, itur ad ostra viâ.
Seû belli scalam; validas hâc itur ad arces;
Portendit Ducibus certa trophœa suis.
Sive Poli tractum, quod seriùs esse volumus;
Aurea per Vestras itur ad astra CRUCES.*

ILLVSTRISSIMI NEOSPONSI.

Quæ fama Regum, ? quæ popularibus,
Exempta curis Purpura Principum ?
Vestris remisit fæderari
Luminibus, jubariq; magno ?
Quis non in alti vincula Sangvinis
Aspirat Ordo ? quis titulus Sacer ?
Aut quæ curulis mancipari
Officio meliore vobis ?
Quæ fulgidorum munera fascium,
Servire nolint ? estne, RZEWUSCIUS
Quem præteriret, & Tuorum
Grandis honor, NEOSPONSE, Patrum ?
*Accensa magno sidere Nomina ,
Solem, vel ultra, quid radiosius
Si jactet Orbis , ex aprico
Mentis, agunt, Proavùmq; Cælo :
Nec plus serenæ lucis inæstuat ,
Cum Thrax Bòbtes tinxerit aureos
Currus in Amphitrite vasta ,
Quàm pelago generosioris
Educta præbet gloria Sangvinis.
Qualemq; nunquam purpureâ face,
Aurora subministrat Ortum ,
Patritijs sua fama Ceris ,
Confæderato murice sufficit.
Est, est, avitis lux proba fascibus ;
Nec sic planetarum coruscat ,
Ut Procerum Numerosa virtus.
Quid debet istis luminibus Polus ?
Quæ terra gignit ; quàm bonus est dies ,
Quem*

Quem lux Avorum, quem Gradivi
Flamma parat, momoresq; palmæ?
POTOCCIANI gloria Nominis
Hoc ardet æstu; sic rutilat Domus
Quam clara Majorum propago
Perpetuis animavit astris.
Sic Martiali fulgida pulvere,
Frons Laurearum sustinet Ilion,
Et docta mens, RZEWUSCIORUM
In Patrijs nitet alta curis.
Sed Celsus instat connubialibus
Hymen triumphis; cedite tristia
Portenta bellorum; recincto
Ad cytharam, sedet ense, Mavors.
Æternet, ergo, tot Proavum jubar,
Seris vetustæ Gentis adoreis,
Dilectus æther; stent in ævum,
Per trabeas, titulosq; grandes,
Per castra crebro murice splendidi
Utrinq; Patres; dulcibus affluat,
In vota Nuptorum procellis,
Mite animis, thalamisq; cælum.

Ad votum

Illustrissimis DOMINATIONIBUS
V E S T R I S.

Devinctissimi Collegij Chel-
mensis, Scholarum Piarum.



PANEGYRICUS.

Confederatam triumphali-
um Clavarum Majestatem,
profumosis tedarū splendori-
bus; incendiaria Martialis
gloria lumina, pro langven-
tibus Hymenæi facibus; igneum flagran-
tis Bellonæ Vesuvium, pro molli Erycinæ
flammeo; curriculum bellicis, & Olympi-
cis pulveribus calentem, non essedum, olo-
rino pulvinari tepens; aciem laurearum
messe, hostiumq; exuvijs refertam, Phle-
græorum exercituum ordinibus, & mani-
pulis occupatam, bellicis inundatam He-
roum sudoribus, pro descripta Hymena-
li circino ambage, in saltum Heroicis
passibus emetiendū, Vobis deferimus IL-
LUSTRISSIMINEOSPONSI, quæ
in Martiales catapultas, integram Ne-
mæen, volucrium sagittarum officio, ju-
gosam Merœen, ensibus Lyparen, Clypeis

A

Graci-

*Graciam, in ferta victricia, sylvescentem
 Cynthum, in aurea Munera, Jlyrium,
 latepatenti complectatur orbe, necessum,
 ut non infra dignitatem Celsissimi
 POTOCCIORVM, RZEWVSCIO-
 RV Mq; Ducum Gradivi, ingenitæ eorū
 fortitudini, equalia arma; animo vastis
 imperijs non capiendo, pares victorias; a-
 dustis bellorum incendio frontibus, justam
 temperiem; exantlatæ virtuti, non infe-
 riūs pretium; Connubiali gloriæ, vectigal
 deponat luminosum. Vulgaris hæc est
 Hymenæi lætitia, ad numerum, & suave
 argutæ chelys jurgium, civiles Laconico
 pedemate relaxare animos; innutrita
 Aboriginum Magnitudini, Procerum
 corpora, nisi bellicâ testudine, aut acri tu-
 barum celeusmate, moveri in tripudium
 decet, qui non tam dedolata marmora,
 vel levigatam Onycem, quàm dolosam
 hostium arenam, & leves cum lacertis
 clypeos, calcare se existimant. Exigu-
 um Martialibus flammis accedit lu-
 men, & rarò sinè atra fuligine igna-
 viæ, quæ aliundè, nisi à tædis ejuf-
 modi, lucere nequeunt. Triumphales,*

Saltibus
 Heroum
 Mavortia
 præstat a-
 rena

les, aut quicunq; sint, castrorū ignes,
ut intaminatum detegunt nubenti-
um candorem, ita obruunt minores
connubiorum faces; quæ tamen in
contubernium Martialis splendoris
admissæ, grande pariunt lucis aucto-
rumentum. *In Hæmo Mavors, hoc
est, in bellorum Asylo, sororem sibi despon-
sat Bellonam; Æneæ, in castris Lavi-
nia nubit; Achilles, Græciæ cum Asia
strepentibus armis, formosam Briseidem
vindicat, ut inde colligere liceat, bella-
trices arenas, non verbenis, tantum,
& palmis, sed myrtis quoq;, & Cy-
priæ Pæsto patere; atq; Heroicorū
animorum nexus, concatenatis ar-
morū meliùs unionibus, quàm spon-
salibus fæderari gemmis.*

Hostiles, inter, virtus Mavortia saltus,
Bellaci, socios, protegit ense, toros.

*Ista, dum Vos ILLVSTRISSIMI
NEOSPONSI inter connubialia ado-
rimur fædera, cruentum Bellonæ chor-
gium institui credimus, in quo, non tam
Augusta paria, quàm in angustias impa-
ris animi compulsos hostium exercitus,*

Sanguine,
Par, fortem
referens ab
utroq; Gra-
divum.

hinc, inde, à signis profugere, insolenti
exitio, demessis capitibus, ad obicem in-
victæ magnitudinis impingere, barbarâ
vertigine, non infra triumphale tantum
vestigium, sed & infra omnem ruinam
deijci aspicimus. Nimirum Sarmatici
Martis bella, & bellax filia, ILLV-
STRISSIMI PALATINI, Palati-
na Gloria; EXERCITVVM CAM-
PIDVCTORIS, Mascula Amazon;
STANISLAI MATTHÆI, Divi-
num pignus, MAGNI RZEWSCHII
ingens Fama; GRATIOSI PAREN-
TIS, una Charitum MARIANNA;
& ex Avis, Proavisq; Exercituum Du-
cibus, ad bellatrices educatus Clavas, IL-
LIVSTRISSIMVS POTOCCIVS
HÆRES; victricium Aquilarum sti-
patus excubijs, ad belli fretum, STA-
NISLAVS, Excubiarum M. D. L.
GENERALISSIMVS PRÆFE-
CTVS, fulmen hostium, Patriæ propu-
gnaculum; Antigono, eô potior, quo plu-
res, quàm, mille Macedones, in se uno
exhibens, non aliter in Nuptiali propy-
leo feriari debuerunt. Auctus præterea

Ery-

Erythraeo barbarici cruoris bellacissimus
SZRZENIAWA, gestienti fluctu, scu-
ta virorum, gladios, & cassides; hastilia,
& Scythiæ juba, imò integras classes, &
armamentaria Martis, ad aram usq;
Hymenæi, suo, ex Celsissima Genitrice
CHRISTINA PRINCIPE LV.
BOMIERSCIA, Successori, devehit in
exuvias; Bellator **KVNICCIORVM**
MONOCEROS, qui, teste Plinio: ne-
scit, nisi victor abire, armat in prælia
cornu, victrici ungula, hostilem propul-
sat humum, aut certum ominoso hinnitu,
prosperius, quàm suo equus Dario, por-
tendens Clavarum imperium, aut ferre-
as Echionis alicujus, è Campo Martio,
provocans legiones, quæ, florenti in **IL-**
LIVSTRISSIMA LVDOVICA
KVNICCIA Matre, Sarmaticâ Ju-
none, Chariti, ad nutus Pompæ Nupti-
alis excubare possint. Tanto sanguine,
tot trophæis, tam grandi armorum appa-
ratu, **Vestra ILLVSTRISSIMI**
NEOSPONSI federatur Majestas,
dicam, toto etiam cælo:

B

Eius-

Fert in u-
troq; fa-
cras Majo-
rum Stem-
mate pal-
mas.

Ejusdem Stemmatibus, cum DEO Homine estis.
Domestica hic benedictionum plenitudo,
expectat vota Hæredum, non sequitur,
in consanguineis, utriusq; Domus, Crucibus.

Quid felicius?

alere spem Domi, non, quærere;

Inquilina gaudere felicitate, non hospite;

Convalesci Numinibus, non famescere præsentiam Numinũ.

In uno Crucis signo, Constantinus Victor;

In tot POTOCCIJS, RZEWUSCIJSq; Crucibus,

Quot erunt triumphus?

Cumulatis sideribus, sereniũs cælum.

Auctis facibus, auctius lumen.

Quàm splendidè semper,

Ut Filij Hominis in cælo, signum,

Ita hæc Procerum signa, in Orbe Sarmatico,

apparebunt!

Cælo inferuntur luminosæ mentes,

quæ cæli indolem circumferunt.

Infans Jupiter, Astris, in Creta educabatur.

Trophæa Civibus, supplicia hostibus,

Famam Patriæ, infamiam Barbariei,

Notas serviles victis,serta Victoribus,

Tot CRUCES ominantur.

Eadem herba sæpè medetur, & intoxicat.

Rosa nectar apibus, venenum scarabæis

alit.

Eadem faces busta, & triumphales ignes accendunt.

Mysæum,

Quæ læsit, sanat Pelias hasta, Ducem.

Dulce Crucis lignũ, nec in auro dulcorẽ amisit,

Unde

Unde
ut aureos, ita & ambrosios
Illustrissimis KRZYWDÆ, & PILAVÆ,
debemus Heroes.

Vltro tamen

Dulces animas suæ propinant Reipublicæ,
non venales exponunt.

*Mellea regnorum sæcula
mellei condunt Nestores.*

*Civilium morum suavitas,
Ut Solijs, ita foro publico
sitim Tantaleam excitat.*

Sepeliendo in Oceani, an cladū? tumulo, Ortui,
ad triumphalem armorum conductum

Tubis Martialibus, pro ære Campano clangentibus,

Fumo Castrensi, pro thure Sabæo,

Nubes ferales, non thimiamata, efflante,

Quoties P O T O C C I A S,

R Z E W U S C I A S q; C R U C E S

Vidimus præferri?

Contra inimicos CRUCIS, inimicæ armantur CRUCES.

sibi ipsi sepulchro est omnis gloria,

Quæ Numinis gloriam sepelit.

Scimus, et, in capulis, belligerare CRUCES.

Ad ejusmodi Asteriscos,

Grave semper respirium sub cladibus,

Oriens expertus est.

Bellorum tempestates, & gravis sanguine Nubila,

Tonantem Hammonium Jovem,

& Pluviam Scytharum Phæben,

Quoties benedictæ CRUCES dissiparunt?

Ignei Heroes, armorum siccant procellas.

Hæmonicæ nives Martialibus animis,

In gloria incendium accenduntur.
Plumbea globorū grando, aut sagittarū imbres,
Quidni virtute CRUCIS fugarentur!

Imò
solo sui aspectu, lachrymas hostibus,
Cineres Castris,
Contritionem Urbibus, pænitentiam Copijs,
Facile persuadent.

Hic, & Macedo plorasset, & Hercules stetisset,
Ille Oceanum, hic Gades,
uterq; palmarum limitem
habiturai.

An?
Depositis Capitibus, non galeis tantum
Obvias sibi, sed invias fortitudini,
adorassent CRUCES.

Arduum est ad victorias iter,
Quod CRUCE graviores occuparunt Duces,
Prosperius Laconica Virtus certasset,
si angustias Isthmi,
jactis CRUCIBVS Vestris, pro pilis, & sepibus munivisset.
Electos ad cœli Sarmatici Purpuram
Omnes hîc Proceres credideris,
ut potè omnes,
velut prima Reipublicæ Capita, signatos.

Quid si calcaria dixerim?
Quæ animosū RZEWUSCIORUM vestigium
ut ad prælia, sic ad imperia excitant?
Martialibus Soleis, Barbarorum Solia calcare innatum est.
Lubricæ hostium mentes

Cespitare non poterunt, semel abjectæ,
Quas profunda SOLEIS affixit veneratio.
Inconstans hostium fides, constantiâ Heroicæ virtutis atti netur.

Portam

Portam, an Arcum triumphalem? in Solea,
Trophæa in Crucibus, præferentibus Ceris,

Quid non victoriosum?

*Illustres quibusdam Cere,
Non cereos, id est in utrumq; flexiles,
sed Adamantinos, id est perennaturos,
Adstruunt triumphos.*

*Sunt, quibus æternos Mars vectigalis Honores,
Mancipat, innatâ prosperitate, Domus,
In hoc hæmisphærio optimè Patria apricantur sidera
ut scias, affine Nomen Soleæ, Soli.*

Quantum verò tantæ gloriæ accessit robur?
Jam à squammato LUBOMIRSCIO
ORUM Neptuno,
Jã ab invictò KUNICCIORUM Monocerote?
utrumq;

ILLUSTRISSIMIS NEOSPONSIS

Cum primo lacte propinatum est.

*Virtus Aboriginum, ut sanguis,
Augusta, in Augustos transfunditur Nepotes.
Optimates, non nisi optimos procreant Hæredes.
Rarò mali, bonis agnascuntur.*

Nescio, quis Xerxes, huic NEPTUNO compedes inijceret?
Nescio quis Hercules,

Pro Alpheo, KUNICCIUM detruncaret UNICORNEM?

*Multi, quibus impar quævis Virtus fuerat,
aliquando Majori succubuerunt.*

Xerxis victorias, Leonidæ fortitudo;

Annibalis audaciam, Scipionis animus stitit.

Quot POTOCCIOS, aut LUBOMI-
RIOS Heròes

Tot æstima Achilles;

Animosa THETIS semper Asiæ metus parit.

Quot RZEWUSCIOS, KUNICCIOSq;

Tot metuendos Jlio Menelaos crede ;
ut Trojanus Equus, Græciæ, ita KVNICCIVS Sarmatiæ,
In grandes se eviscerat Duces.

*Patriæ emolumento Generosæ pariunt Lacenæ
Uteri acies, ut Bellonæ arena
Heroum feracissimæ;*

*Jmo, inde, in Campum Martium palmari saltu proficiunt.
Sensit armatus Septemtrio*

*In Celsissimo SRZENIAWA, Ægea pericula,
Qui liberam sibi in eo unionum piscaturam,
Ominabatur, non attigit.*

*Chalybe indutus, pro squamma, Balticus Cancer,
Dum non libertatis tantum comam, sed & Equi KUNICCIJ jubā,
Armatis attondere chelis nititur,
ad igneam virtutem erubuit.*

Perniciosa hostium fiducia, in sudoribus Procerum naufragatur.

Spes fastuosæ, cum alta persequuntur,

Obicem in terris reperere, ad quem impingant.

*Longius à placido Hymenæi consortio,
Majestas confederatarum Gentium nos
amovit ILLUSTRISSIMI NEO-
SPONSI. Proprium id est excellen-
tis gloriæ, maxima quæq; sui admira-
tione ingenia attinere, quæ dum immen-
sam, venerabundâ contemplatione intrât
recte gestorû congeriem, æqualibus astrorû
luci, splendoribus abstracta, pænè extra
se evehuntur & hærent. Quid si in-
gentes vetustissimorum Aboriginum exer-
citus aciem explicaverint, quo fatigio o-
culi, non mentis solùm, delibarentur*

imò jam paginas obsident, literarum
ordines extendunt, bellicum arietem fron-
tibus eruditiss admovent, tubarum clan-
gore eloquentiam acuunt, spoliis, lau-
rearumq; cumulis obruunt conceptus, præ-
liis angustant prælium, ut eo dignius tra-
beato VESTRO contribuant Hymeni.
Orientis exuvias, cicuratum Molda-
vorum ferociam, Dacicas laurus, man-
cipatam toties Mæothidem, venatricem
pro ferarum gregibus Roxolani Civis
Tauricam Dianen, vindicatum Occi-
dentis imperium, donatos libertate Pan-
nones, Austriam suæ securitati asser-
tam, ad Patria metalla damnatos Leo-
nes, infascinantes fortunam Lechiæ
Finnos, sterilis famæ ad Balthicam a-
renam Pomeranos, vel repressos, vel
investigatos; tot Reges, Principesq; vel
defensos, vel profligatos; tot Gentes, Ci-
vesq; vel everfos, vel servatos; tot He-
rões, Ducesq; vel auctos vel exauctora-
tos, hinc bellatrices POTOCCIORVM
Aquilæ, inde victrices RZEWVSCIO-
RVM Clavæ, in unam connubialium
Sacrorum cogunt lauream, ut Nuptia-

Tercentos
capit hæc
acies spa-
tiosa tri-
umphos

libus fertis, triumphales associant Coro-
nas. Nimirum, in decumano tot San-
guinum æquore, non imbelles aliquæ ni-
dificant alcyones, quæ armatos, enervi
malaciâ, demulceant fluctus, sed bellico-
si Struthionum animi, qui, & ipsi cha-
lybe Martiali vivunt, & pennis mina-
cibus galearum ferociam augent. Quâ-
cunq; purpuratus hic Oceanus æstuat spu-
mâ, non conchis, sed clypeis excipitur,
Bellonam, non Venerem ablaçtat. Quid-
ni verò fertiles laurearum vobis exube-
rent acies, quas hinc exantlatorum Du-
cum sudor, inde pingves barbarici cru-
oris torrentes, humectant in adreas.
Imbelles emasculati alicujus Erycis, aut
Cytheræ umbellas, ignava Junonis stra-
gula, eluxatam Sybarytiden, confæde-
ratæ aspernantur Cruces, duriozem ce-
spitem amant. Ferreum in solea vesti-
gium, asperum chalybe calcare trami-
tem, non molles Persei rosas, edidicit. In
Hæmo stabulari, trux Cornu, frontisq;
feræ MONOCEROS, non in Dionæis
antris assuevit. Martia ille victima est
non Cassandræ cujuspiam manu, sed bel-
laciis

lacis Amphiarai gladio Patriæ saluti
immolandus. Sub puro Jove, non sub
Cyprio laqueari ad belli fulmina exerce-
tur. Dotalitia hæc RZEWVSCI-
ORVM, KVNICCIORVMq; sidera,
Tuorum Aboriginum hæreditariæ inferis
magnitudini ILLVSTRISSE
NEOPSPONSE. Generosis Nepo-
tibus, hæres est avorum fortitudo.
Non sanguinis necessitudinem ma-
gis, quàm insignis animi, ætates æ-
tatibus porrigunt; & nullum con-
stantiùs desiderium est, optimo po-
tiendi successore, quàm quoties bo-
num esse non sufficit, ut ad Maje-
statem avitæ rectitudinis extolla-
ris. Multa fastigia sunt, quæ sibi
altius surrexisse non optant, nec eis
optasse expedit, quàm surrexerunt;
Athlanti, aut Olympo non satis ex-
cessisse culmina, nisi sideribus, &
superis commisceantur. In hoc, ve-
rò, summæ magnitudinis potestas
deficere videtur, quod & attolli, &
assurgere possit, nullo tamen anno-
rum declivio inclinari, aut minor,

Cum cello,
cellus, san-
guine ma-
nat honor.

D

quam

quam fuerit, esse queat. Quicumq;
Fabius nascatur, Maximus nascitur,
in cunis jam grandi Nomine op-
pressus. In furculo ad huc Dodo-
næa quercus, Ammonium Jovem
spirat; nec minus prodigium est è
Maximis Magnum descendere,
quam æsculum in tenues degene-
rare Myricas.

Fortes creantur fortibus, & bonis
Est in juvencis, est in eqvis Patrum
Virtus; nec imbellem feroces
Progenerant aquilæ columbam.

*Inducturi hic eramus, cōmistos Divis
Tutelaribus, Augustos Majores Vestros
ILLVSTRISSIMI NEOSPON-
SI, tot Palatinis, Castellanisq;, Curulibus
sublimes, Ducum Sago insignes, Regni
Ministerijs excellentes, heroicâ virtute
non imitabiles, semper honorum fasti-
gijs affixos, & incubantes; cum ipsisq;
summa, Polonia, Lithvania, Austria,
fœdera, affinem cum Imperio Cæsarum
Majestatem, nisi Vestra prius Hymena-
lia serenioris lætitiæ lumina, in auge ve-
nerari expediat. Quamvis ne tot pur-
puratorum siderum splendoribus adusti*
gra-

graventur calami, siccentur, repentes
per Minervalem glaream sœpiæ, distincta
vobis serie & panegyri desudabimus.
Liceat interim aliquantum nuptiali ap-
plausu severius laxare supercilium, To-
gâ, sagoq; gravem, hilari pompâ atti-
nere Majestatem, liceat classicis, tripu-
dia; bellis, bellaria; lituis tibias; curis
publicis, Curiales interserere Musas.

Lectas ex Asia, Thraceq; laureas,
Pro fertis Eryces, frondeq; Myrtea
Junctorum Procerum billipotentibus
Musæ frontibus offerant.

Sed cur bella, Sacris connubialibus,
Miscentur rubeo tristia sidere?

Cur Mars Hæmonijs collibus abstinens,
Permutat trabecæ, Sagum?

Stat victrix acies, sanguine barbaro,
Hellepontiacis fulgida cladibus!

Stat cespes Danaos, ferre capax Duces
Ipsi par Agamemnoni.

Cùm molles cytharæ, cùm fidicen Deus,
Suavi debuerat ludere jurgio,
Et se Patritijs, Pierides chori,
Permiscere choragijs.

Cessit mollis honor, scenaq; luxuum,
Armorum rigidis pulsa nitoribus,
Cessit lætities, Martia publicas

Dum res gloria promovet.

Perstringunt hilares bellica, Principum

*Aures, terrifico cornua murmure,
Nudorum cohibet Virgineos minax
Vultus horror Acinacum.
Desudare novo robore militum
Ingentes, video, Sarmatiæ Duces
Celsas emerito pulvere cassides
Inferri superum thronis.
Terrarum Dominus regnaq̄, castraq̄,
Percellit gladius, fama POTOCIAE
Gentis terret Athon, terret Otrym minax
Martis Clava RZEWUSCII.
Regni foederibus nobilis, utraq̄
Bis augusta Domus, seu placidas Nurus
Ex voto, thalamis Principibus dedit,
Seu sumpsit sibi conjuges.
Quæ non Bisthonijs terra cruoribus
Pingvis, laurigeras fertilior parit
Messes tot Ducibus? quis Daciae latex?
Aut saltus Scythiæ vacat?
Sed ne prorsus, amans pacis Hymen, fera
Inter militiae signa ferociat,
Dum plectrum melius gaudia postulant,
Celsas tangere sat Domus.
Quamvis Hæctoream profuit indolem
Sic laxare jocis, ut memor ardui
Sit semper generis, ruga severior,
Quævis otia temperet.
Pelides validâ Threiciam chelym
Cum pulsare manu vellet, in aspero
Chironis Gæfici nixus erat toro,
Hastam supposuit lyræ.
Innutrita suis pectora laureis*

7 Agrè dulce melos, fistra Laconica,
Imbelleſq; jocos, mollia Cypridis
Aulæ munera ſuſtinent.

Aut ſi contigerit plauſibus inferi,
Multâ belligeræ laude ferociæ.

Conſtans in medijs cantibus oris eſt,
Et mentis Dominæ rigor.

*Avocat hinc ingenia, & omne Ora-
torum ſtudium, exporrecta in Patri-
um, & exoticum Orbem Antenatorum
Tuorum Majeſtas ILLVSTRISSI-
ME NEOSPONSE. Imperium
Sarmatiæ, imò quotquot ſunt in Euro-
pæâ vaſtitate gentes, & dominia, Vr-
bes, cum civibus, Regna cum Proceri-
bus, pro testimonio operoſiſſimæ illorum
Virtutis, ad Aulam, & Tribunal Tuum
adducimus, ut in encomio tantæ Maje-
ſtatis cauſam apud Te Judicem ſub Tuo
patrocinio evincamus. Intrat nobiſcum
nuptialem Curiam deſenſa conſtanti
POTOCCIORVM ſtudio Regia, ſer-
vata conſilijs Patria, inclinata ſenten-
tiarum pondere Ruſſia, attonitâ facun-
diæ ſuavitæ Italia, morum maturi-
tate circumſcripta Germania, ſtatuum
experientiam, ſupra ſe, admirata Gal-
E lia,*

lia, frugi Heròes venerata Hollandia,
gravitate supercilij evicta Hispania, bel-
latrixibus aquilis emensa Asia, trium-
phis referta Valachia, Moldavia, Græ-
cia, Pannonia, metu concussa Scythia,
Arabia, Persia, quæ illi imperia vel tra-
beati hospites lustrarunt, vel optimi Pro-
ceres incoluerunt, vel imperfracti Victo-
res Reipublicæ asseruerunt, vel fulmi-
nei Domitores involarunt. Excedit
suo alveo Rhenus, assurgit extra Lau-
rentia littora Tyrrhena Nereis, obses-
sas arcibus ripas deserit Sequana, au-
rum suum negligit Tagus, merces Ba-
tava Amphyrtrite aspernatur & uniones,
Danubius onerato Barbarorum exuvijs
accelerat gurgite, ut insignem svada Po-
toccianæ malaciam, sensuum profundi-
tatem, liquida mentis teneritudinem, pe-
ctoris candorem, aurea dogmata, eru-
ditionis pretium, animi scopularem for-
titudinem, Martialium spirituum vehe-
mentiam testantes, Oceano Tuæ influant
magnanimitatis. Difficile hoc sanè &
humanæ, extra conceptum, imbecillita-
tis crederetur, æquora, torrentes, flumi-
na,

na, in Vestras contribuere laudes, si non naturalis, thaumaturga hæc Virtus POTOCIIIS foret, quæ vel Thracem Caucasum, in sui adorationem emovere, ac de Thracia evocare posset. Augustis Nominibus, res quandoq; etiam sine sensu, ad gloriam suffragantur. Sudavit, ad præsentiam Pellæi Principis, simulacrum; Stiliconi æther, & conjurati veniunt ad prælia venti; Julio Cæsari, jussum detumuit pelagus; bellaci Cadmo militaribus manipulis steriles Thebarum evirerunt fulci: *sileant jam molles Hymenæi concentus! vocales fidium animas, ad fiduciam minacis Bellonæ exanimari necesse est.* Intran post tot alia documenta, Regnorumq; testimonia, intrant non tam paginam, quàm arenam, Theatrum orbis exercituum, non pacatius Gynæceum, intrant Domitores Asiæ, fulmina Orientis, flagella Scythiæ, expugnatores Daciæ, pacificatores Sarmatiæ, remotis imperijs metus, adjacentibus tonitrua, Patriæ felicitatis ancilia Illustrissimi Optimates Potoccij, Du-

Muta viros
grandes re-
rum simu-
læcra lo-
quuntur.

Zyroslaus
Primus Pa-
rens.

Joannes
Calor: Reg:
Hug: salvat

ces plerumq; Exercitum, aut Regimen-
tarij, prima belli capita, antemuralia
Sarmatiæ. Primus sit ZYROSLAVS
Ducum palmes, & radix, Boleslai Cri-
spi, rectitudinis eximie Heros. Ter
sanctæ Cruci rebellem Prussiam, ter su-
begit, ternâ Cruce donatus, in laborum
martialium solamen, & arma, & no-
men expugnatae urbis accepit. Vnde
quod Drusus Germanicus, Scipio Afri-
canus, Marius Cimbricus, à debella-
ta Germania, Africa, Cimbria, Roma-
nis, hoc à Pilaviensibus trophæis Zyro-
slaus Pilawa Poloniae. Grandis Avo-
rum Ilias, vix Homericò calamo attingenda hinc emanavit, quam solo anti-
quitatis cultu prosequimur. In maxi-
mis, unde incipias nihil interest,
quæcunq; enim recensueris, maximû
recensuisti. A JOANNE tamen
POTOCKI Zyroselai sanguinem ex-
citabo, id est ab eo, quo major non sur-
rexit. Carolum Hungariæ Regem,
armis rebellibus eripuit. Sciat orbis,
Poioccios, exterarum etiam Majestatum
esse Tutelares, Regnorumq; Angelos. Al-
ter

ter **JOANNES** Palatinus Podoliae,
Dux Exercituum Regni; avitas Laure-
as ita sudoribus suis, & Valachorum
sanguine rigavit, ut cadendis clavis &
honorarijs fascibus sylvescerent. **NI-**
COLAVS Procancellarius Regni, Sar-
maticae Aquilae nidum, aureus Heros,
aureum contexit, exuvijs hostilibus in-
stravit. Ut verò aureae mentis Optimas
in Curijs, ita ferreae manûs in castris,
ex utroq; Patriae prodesse nitebatur.
JACOBVS Plocensis Antistes, Avitis
ensibus & clavis, Pastorale pedum, ga-
leis, Insulas adjunxit. Fecit, inquam,
Potocciorum Patritius, ut in Aula Po-
toccia Patriam sibi Deus fixerit, cum
dotibus sanctis non Divinam solùm di-
gnitatem, sed ipsum Cælum ad se tra-
xit. **CHRISTOPHORVS** quantum
Nomen! ad Rudolphū Imperatorem O-
rator ex Sarmatia, grandis portitor Pa-
triae majestatis. **BERNARDVS** ad
Visnioviciam Tartarorum domitor, per
Tauricam investigator, ubiq; fulmen.
Avidissimi mellei Herois Scythiae fuci,
magno saepe **POTOCCIVM** infesta-
runt

Joan: Pa-
lat: Podol:
Dux Exer-
cituum.

Nicolaus
Procancell:
Regni

Jacobus
Episcop:
Plocens:

Christopho-
rus ad Ru-
dolph: Imp:
Orator.

Bernardus
Scy arum
Victor.

runt examine, majori jacturâ, fumo bellico propulsi, avolarunt. Elicit sibi virtus Heroica hostē, cujus elidat cervices, provocat in aciē, ut suffocet.

Nicolaus
Generalis
Podoliz.

NICOLAUS Generalis Podoliz, Sigismundi Augusti Trajanus, aurei Nominis Heros, militare ferrum deperijt, ne aurea Sarmatiæ Libertas periret. Totus in castris, privatis commodis dividi non partiebatur; famenti & fidem suam prostituenti Scythiæ plumbeos globos, non auream offam objecit, utpote **NICOLAUS** semper lupis rapacibus formidandus. Istrum ille nunquam, nisi victor bibit. Invicta Heroum pectora, tutius Regnis propugnaculum, quam arces & mænia præstant. Murus aheneus est, obdurata in pericula indoles. **JOANNES** Palatinus Braclaviensis Patrijs honoribus & fortitudini successit. Audiebatur vox Joannis in desertis Valachiz, toties pænitentiam sædisfrago populo prædicans, quoties clasicum cani jussit. Ad Naupactum Achaici sinus Bistoniam temeritatem naufragari compulit, **MICHAELEM**

Joann: Pa-
latin: Bra-
clavien:

Du.

Ducem Multaniæ, alis castrensibus exu-
it, gladio exarmavit. Nalewaykum
Cosacorum primicerium, fundere Pa-
tricium sanguinem dedocuit. Donec
insigni Moschorum præmissâ strage, ipse
ad Smolenscum triumphale caput deposuit
in quo Sarmatici fundaretur Majestas
Imperij. Gloriosi Heròes ipsos etiam
manes officio Reipubl: accomodant,
cui vitam impenderunt. **ANDRE-**
AS Castellanus Camenecensis. Regiarū
amor, summa Crux hostium. Bassara-
bes ad Craloviam cum armato Tur-
carum oriente, ad occasum exitij incli-
navit. Siemianum Moldaviæ Palati-
num, cum Zamoyscio Exercitus Duce,
ut imperio, ita amoribus Civium asse-
ruit. In tutelam Regiæ Majestatis, se-
ipsum pro telo, in confæderatos adver-
sus Principem Equites, ex equo proje-
cit. Optimum in pericula muni-
men fides servata Principibus. **JACO-**
BVS Palatinus Braclav: Tonitru-
belli, ignem è celo Sarmatico in Vala-
chiam, Multaniam, Tartariam, non e-
vocavit tantum, sed intulit. Sparta-

Andreas
Castell: Ca-
menæ

Jacobus
Palatinus
Braclava

Stephan:
Palatin:
Braclav.

Jacobus
Succamerari-
us Halic.
Andreas
Vexillifer
Podoliæ
Nicolaus
Ductor Co-
hortium.

Stanislaus
Palatinus.
Podoliæ.

nam fortitudinem, Latinam fidem am-
plexus est. Græcis ritibus, Vaticanam
Majestatem preposuit. Gemma est co-
ronis regalibus inferenda, intami-
minata Procerum religio. **STE-
PHANVS** Palatin: Braclav: Coro-
na gentis suæ, armorum nervus, auro
domestico ferrum exterorum hostium at-
tigit. Caucaso, & Hæmo toties lapi-
datus, retorsit jacula in hostem, ipse
chalybeus. A Duce Valachiæ Jeremia,
nuptiales concentus, cum Maria Mobi-
lanka filia, non lamentationes, Patriæ in-
vexit. Connubiorum nexus, regna,
non individuales animos stringunt;
privatæq; lætitiæ in publicum re-
dundant. **JACOBVS** Succamerari-
us Haliciensis, **ANDREAS** Vexilli-
fer Podoliæ, **NICOLAUS** Ductor Co-
hortium, quanta robor! Moschoviti-
cæ, Bassarabes, Scythicæ satis id decla-
rant victoriæ. **STANISLAUS** Pa-
latin: Podol: Moldavorum, Turcarū,
Scytharum, Cosacorum, Moschorum,
Prussorum, ita victor, ut in communi
aliorum Ducum conamine, palmam
ipse

ipse tulerit. Gustavo Sveciae Regi, ne-
 gustare quidem dulcem Patriae Liberta-
 tis ambrosiã permisit. Coronarũ Step-
 hanus Gẽma, Sarmatici diadematis Tutelã
 egit, cum ferreã hostium coronã Sar-
 matia cingeretur. Quo enim melius Ste-
 phanoma Regium confugisset, quàm ad
 Stephanum? **NICOLAUS Palatin:**
 Cracov: Dux Exercituum, quantum
 Potocciae Majestatis auctoramentum!
 Patriae militiae vitam impendens, ita
 pro sanctuario libertatis bellavit avi-
 de, ut vel amissam, in ejus pectore re-
 perisses. Copiarum Regni Imperator,
 copiam suae fortitudinis Scythiae, Va-
 lachiae, Daciae, sui ipsius, omnibus ca-
 stris, & Curijs fecit. Dux militem, si-
 ne militum censuris egit. Herculi suc-
 cedit Theseus, magnanimo, magnani-
 mus, bellatori, bellator, Palatino Fra-
 tri, Palatinus Sendomiriensis Frater.
 Tot eum sibi inviderunt subsellia, quot
 ejus viderunt recte facta. Emeritus in
 bellorum acie, Consiliorum telis pu-
 gnavit in Lechica Areopago. Palmari-
 us est bellis prospicere, quàm bella ge-

Nicolaus
 Palatin.
 Cracov:
 Dux Exer-
 cit: Regn:

Palatinus
 Sendomiri-
 enf. Frater
 eius.

Stanislaus
Palatinus.
Podoliae.

vere; pro galea, ratio, & cura regno-
rum, caput orbis tuetur. **STANIS-**
SLAVS Palatinus Podoliae, Aquila
castrorum, sol Procerum, mens Prin-
cipum. Ea in suum Optimatem fuit Co-
ronarum propensio, ut innumeris fa-
scibus, toto amore, infinitis tanti viri
desiderijs, in Aulam **STANISLAI**,
an virtutum Civilium Palæstram, se
demiserit; ea Optimatis nostri erga Re-
gum, populiq; bonum sollicitudo, ut ali-
ter conservari non videretur salus pu-
blica, nisi beneficio **STANISLAI**.
Castellanâ Camenec:, Palatinam Bra-
clavien:, ac tandem Podoliae purpuram
indutus, toties cumulari fascibus debu-
it, cui par meritis præmium invenire
Regia non potuit. Moldavicus, Turci-
cis, Moschoviticis, Scythicis, Cosaticis,
Prussicis, Sveticis laureis coronatus, tot
civicas meruit, quot Civilis vitæ insidia-
tores sustulit. **NICOLAVS** Pala-
tinus Braclaviens: Campiductor Regni.
Quid hoc Augustius Heroe? Campe-
strem Indolem sub libero Jove semper
exercuit, ut ad belli fulmina assuescisset;

Nicolaus
Palatin:
Braclav.

unde facile suo Alcidee victrix Clava
 eviruit in laureas; Incessit per cruores
 Tauromatum, non agros tantum; &
 deserta Valachiae, excoluit palmis. Ar-
 ctantur jam tot Palatinis Proceribus
 conclavia; in angustias cogunt, & ruborẽ
 Oratoriae tenuitati tot murices inurunt;
 nisi ad Ducum purpuras, decocta, ideoq;
 maturior svada profecisse aliquid ex ma-
 ximis, ad maximos videatur. Novã secũ
 insert pompae nuptiali aciem, **STANI-**
SLAVS Palatinus Cracov. Magnus
 Dux Exercituum Regni. Intumulatã
 cineribus & favillis incendiariorum Scy-
 tharum Poloniae gloriam, per castren-
 sia jejunia, ad vitam & lucem revoca-
 vit; Verẽ Thaumaturgus Ductor! Cu-
 dnovias planities, stragibus Tartaro-
 rum tumescere jussit, limites furori bar-
 barico in eggestis ossium acervis præ-
 figens. Inconsultae Szeremeti audaciae,
 ferro consuluit, ut priusquam arma
 sumpisset, deposuerit. **ANDREAS**
 Castellanus Cracov. Campiductor Regni
 triumphalibus Stanislai insistet vesti-
 gijs. Augustus Heros, Augusti vices

Stanislaus
 Palat. Cra-
 cov. Dux
 Exercituum.

Andreas
 Castell.
 Cracov.
 Campidu-
 ctor Regni.

Patriæ præstitit; Serenissimo JO-
ANNE III, Austriam cum exercitu
Polono vindicante, ANDREAS ut
pro limitibus Regni, ita pro Principis
Majestate, excubias egit. Exundantem
ad Dunajowiec usq; Scythicam Mæoti-
dem, morticinjs Scytharum, pro vallis
stitit, & oppressit. Eosdem Andree &
Crucis inimicos credideris, quos ille di-
gnos Crucibus, in cataclismum proprij
cruoris præcipitavit. Quis verò credat?
eodem ferè tempore illum, Tauricam
Chersonesum in Podolia, & Geticum
Orientem in Pannonia cicurasse? Euro-
pæam Scythiam, & Asia Tyrannos do-
muisse? Divisit se in tot victorias, cum
dimidium animæ suæ STANISLA-
VM, Germaniæ auxiliarem dedit. Ma-
gnæ spei Heros, à maximis conatibus
exorsus est, unde statim avitæ Magni-
tudinis mensuram implevit, in milita-
ri Tyrocinio. Hæmonio Marti, in præ-
texta congressus, cum arma non suffi-
cerent, se ipso, pro telo usus, oppressit
chalybeum Gigantem, suâ ruinâ. Illius
tamen letho, revixisse videtur Austria, &
san-

Stanislaus
 eius filius in
 prælio Vi-
 nni gloriose
 occubuit.

sanguinem, quem STANISLAVS fudit, in venas assumpsisse, ut contractum inter funera Civium pallorem, novâ purpurâ tinxisset. Audebitné ulterius Celsitudinem Potoccij Sanguinis deplumata involare oratoria penna? quæ vel ideo plumarum deposuit spodium, ne intemperanti, ultra facultatem, in altum niteretur temeritate. Commune hoc cum superis, Divis Magnatibus, ut videri non possint, coli debeant; Illos Cælum tegit, hos immortalis famæ siparia, utrosq; vel aræ ostendunt fuisse, vel trophæa. Latere tamē Patritia Majestas Illustriss: Castellanū Camenec: non patitur. In Camenecia Petra suæ, & Regnorū felicitatis sanctuarium erexit, adversus quod Tartarus nunquam prævaluit. Spectavit in illo mundi oculis, cum dolore veterum annorum, ad invidiam præsentis sæculi, ætas antecedanea fulgidam bellorum pulvere frontem, æstuosos Patriæ labores, Principum amicitias, consulendi prosperitatem, quando cruenta hostium prælia animoso frangebatur pectore, sub tutore

Illmus Castellanus Camenec.

H

cly-

Celfiff. Prin-
ceps Theo-
dorus E-
pifcop:
Varmien:

clypeo, integritatem Patriæ ferebat,
Regios amores aucupabatur fidelitate,
publicam felicitatem grandi munere suc-
collabat. Non magis Dux, quàm Pa-
rens felicissimus, Principi Insulæ Var-
miensi par caput, Pontificali purpura
æquales lacertos, Senatoriæ Curuli di-
gnissimum Optimatē obtulit in Filio Illu-
strissimo THEODORO, postquā Culmē-
sis solij fastigium meritorum eminentiā
implevisset. In illo Ecclesiastica Maje-
stas speciosius regnat, pendet ab ore sa-
cro Christianus orbis, auscultant vocem
extrema imperia, verborum magis acu-
men, quàm armorum, formidant hostes,
quoties in trabeato Procerum concilio,
Patriæ libertati, Religionis integritati,
publicæ paci consilijs sufragatur; sum-
mam Liberæ vocis servitutem ratus, uti
libertate tacendi, ubi in publica functione
detonandum est.

Perennet, ergo, Principis Insulæ
Regniq; laudum Maximus Arbiter,
Etserta Divini laboris,
Addat Avūm, Proavūmq; sertis.

Purpurato Antistiti, purpurati Ma-
gnates augent muricem. Illustrissimus

Ca-

Cameneensis Castellanus, Illmus: Re-
ferendarius Regni, Illmus: Capitaneus
Circasiens: tres Fratres, tercentum Fa-
bijs superiores; quia hoc ævo non fusti-
bus, aut saxea tempestate, sed igne, &
igneis spiritibus certatur ad palmam. Op-
tarem nunc Scipionem aliquem, in singu-
larem velitationem, veterano obijci He-
roi, vix Africanum nomen, imò & caput
non deponeret. Lucrum Martialis vi-
tæ optimum æstimant, vitam in Patriæ
emolumento deponere, & auri domesti-
ci jacturam, in nervum, & cotem mili-
taris ferri, conversam, ærarium esse sa-
mæ opulentissimum. Quid dicam de Il-
lustrissimo Excubiarum Regni Præse-
cto? Vigilantissimus Heros, armorum est
Lydius; inter tranquilla pacis publicæ
otia, laboriosus Civis, inter gyrantia ca-
strorum signa, fixæ Virtutis, & constan-
tis animi Ductor. Mercurius in Curijs,
Gradivus in prælijs; in æstu negotiorum,
Patritiæ securitatis sitibundus Regni
Minister, in rigore penarum, abstemi-
us sanguinis Judex, Equestris gloriæ
insigne coronamētum. Quid de Illustris-

Illmus: Ca-
 stellanus
 Camen: Il-
 lmus: Refe-
 rendarius
 Regni. Il-
 lmus: Ca-
 pitaneus
 Circasiens:

Illmus: Ex-
 cubiarum
 Regni Præ-
 sectus.

Illius: Pa-
latinus
Kijoviz.

Illius: Fe-
lix Castell:
Cracov:
Magnodu-
cor Regni.

simo NICOLAO PALATINO KI-
JOVIÆ? Decius Sarmaticus, amit-
tere se existimat diē, quem extracastra,
& belli aciem ageret. Vix non prius vin-
cere cepit, quàm vivere. Quare Reli-
giosissimus Libertatis Patriæ cultor,
umbram servitutis metuit; nequidem li-
mitibus Regni arctari passus, è campis
Valachia, securitati prospicit Domesti-
cæ. Assueta servitio ingenia, effræni se ra-
pi putant exitio, nisi ferre sciant fræ-
nos, & maximos imperij contextus dissi-
lire, nisi arcto Principum compingan-
tur iugo; eundemq; esse magnis opibus
servandis finem, qui serviendi fuerat;
Educatis verò sub libero Jove ad liber-
tatem Proceribus, asperius nihil est,
Dominos, quàm, ferre lupatos. A tot
Palatinis, Castellanisq; fascibus, & E-
xercituum Regni Clavis, ad compendi-
um Avitæ felicitatis venio, Illustrissim:
FELICEM Palat: Cracov: Capidu-
clorem Regni Parentem Tuum IL-
LUSTRISSIME NEOSPONSE
Omnigenæ virtutis Idea, exemplar, &
prototypon ardentissimi in prælia animi,

eo in imitatione facilior, quo fortiùs ar-
duos quoscunq; labores explanavit. Su-
perstitem fortitudinem, Illustrissimis Hæ-
redibus reliquit integram. Opulentæ sor-
tes Parentum, non animi magnitudo,
dividi potest à successoribus, quæ, ut ani-
mæ spiritualis integritas, in partem scin-
di non patitur. Unus ille & totus, in Vobis
singulis vivit, qui se totū in solerti educa-
tione pectoribus Vestris instillavit. Quod
Theodosius, Honorio & Arcadio; Augu-
stus, Druso Germanico; Hæctori Priamo,
in fundādo imperio; in armorū exercitijs
Æneas Ascanio, Telamon Ajaci, in pur-
pureo consulentiū cætu, Parmenio Mace-
doni, Cyneas Pyrrho, in fortitudinis ex-
perimento, Æson Jasoni, Philippus Ale-
xandro, hoc Illmus: PARENS Vester,
Vobis dignitatū, meritorūq; successoribus
fuit. Intravit Regiam? solem luminū
patrem, inferre secum videbatur, ita in
fronte ejus innube serenum, in vultu se-
rena Majestas, in ore amæna blanditi-
es, in oculis blanda temperies, in inces-
su temperata gravitas eminebat. Pe-
rorare cepit? amavit vocem ejus liber-

I

tas,

tas, probavit Majestas, populares fortune optarunt. Stetit in castris? quasi conjurata celerabant ad vestigia palmae, felicitati suae attribuens, quae praecurrerit; frangebantur Panici Barbarorum impetus, elidebantur adusta aprico sole cervices, priusquam vulneribus hostilia corpora affligerentur, imbelles Spiritus in Orco latebras querebant. Quoties Martiali chalybe venas sanguinis in pectore Scythico laudi suae laxavit? quoties ardenti mente gelidam Maotidem in lacrymas solvit? tandem post tot bellicos agones, Caelum sidereus hospes intravit, non tam victorijs fractus, quam vincere amplius dedignatus, postquam tres lacertosos Alcidas, pro se uno Atlante, Sarmatiae suffecisset. Paternarum victoriarum, & fortitudinis ex asse Haeres

Illustrissim. MICHAEL Notarius Regni, primus aciem occupat, cui, velut armorum Numini Oratorius adgeniculatur calamus. Ferreo stylo opus est, non plumosâ levitate pennarum, ut in Rhodopeio silice, non in paginarum mollitie exantlati illius sculpatur, non pingantur

tri-

Illmus Michael Notarius Regni.

triumphi. Frangi potius bellicis amat
laboribus, quàm lento consumi pacatio-
ris studij otio, & olorum ignavia, Mar-
tialis cespitis beatitudinem anteponit ;
illius.

Mens asueta periculis,
Infra se validos despicit Hectores.
Frontem cladibus erigit,
Et gaudet quoties integra ceditur.
Laurus sanguine pullulant.

Et magnes, chalybis pabula diligit.

Illustrissimus Capitaneus Betzensis,
Tertius Frater, quantum Potocciae Fe-
licitatis pignus! amant in illo suadae &
morum suavitate Cives, formidant
rigorem supercilij hostes. Dent mihi se-
cula in devinciendos populorum animos
Trajanum, in deterrendos exercitus Sci-
pionem, in excitanda militaria signa
Alcibiadem, sago, togaq; potentem Ju-
lium Caesarem, omnibus ego Betzensem
Nostrum Heroem, affectibus Civium, fa-
vore castrorum, triumphalibus, Civicis,
muralibus sertis coronatum, opponam.
Tuam Majestatem inducimus, cum bel-
li, pacisq; studia Illustrissimor: Abori-
ginum & Fratrum Tuorum recēsemus.

Illmus Ca-
pitaneus
Betzensis
Tertius Fra-
ter.

Illmus
Excubiar:
M. D. L.
Præfectus.

*ILLVSTRIS SIME NEOSPON-
SE. Secundum Te generosior Lucina Vi-
ctoriosissimo FELICI dedit, id est, ex Fe-
lice felicem, unde Bellonæ, fortunæq;
aleam imperio Tuo semper captivas.
In quantam molem excrescere debet
Oratoria facultas? ut grande Tuū No-
men, meritorum, armorumq; decora,
animi Magnitudinem, pari dignitate
effari possit? exhaurit Athenarum æ-
quora, non minorem tantum Hyppocre-
nen, profunda sanguinis Tui ampli-
tudo, implet omne spatium etiam i-
maginarium, imò & ideas quascunq;
encomiorum, immensitas Virtutum Tu-
arum; offundit procella sudorum,
latifundia paginarum, ideoq; ut lau-
des Tuas periculo humilitatis nostræ
aggredimur, ita efferendarum labore
solicito tenemur; si tamen comitari in-
dignitatum fastigia debiliori acumine me-
rita Tua non poterit, ancillari saltem, &
à longe celsissimas virtutes adorare stu-
debit, incapax tantorum siderum faci-
dia. Et licet verus meritorum fru-
ctus sit, meruisse, nec ullum virtu-
ti-*

tibus pretium, extra ipsas virtutes
est, juvat tamen claritatem factorum,
aeternitas fastorum. Per seculares æ-
tatum revolutiones leget in prælis vene-
rabunda posteritas, inarabit Cedris, au-
ro ad exemplum Patritiæ Gentis indu-
cet, quàm fueris Civium meritissimus, Se-
natorum dignissimus, Heroum solertis-
simus, victorum felicissimus, os populi,
cor Principum, lacertus Reipubl. quo
melius nemo Terrarum desideria aperu-
it solijs, nemo dignius amores soliorum
detulit Terris, nemo justius æquitatem
in Areopago, statuum negotia in curijs
protexit. Exhumare hic Moldavicos
Duces, Scythicas acies, Dacorum exer-
citus; inducere Panegyri refertos ossibus
& cranijs campos, decoloratas cædibus
paludes, pingves Barbarorum sangui-
ne indagine; congerere in triumphalem
obeliscum, Thraces pharetras, & umbo-
nes, Bassarabum spolia, Asiæ exuvias;

Quidquid barbaricis cladibus incapax
Fertur Bosphoreum sanguinis in fretum,
Ex spumasse Tyras, quot gelidus graves
Deplorat Boreas neces;

Armorum
quali Po-
tocius
arsit honore.

K

Vna

In Bucovię
fi fylva pri-
mas Lau-
reas ponit.

Vnã quasi coarctare periodo deberemus,
Vt Tuas *ILLVSTRISSIME* NEO-
SPONSE laurus in Valachia, Podolia,
Dacia, adumbrare saltim, si non ad
Tuam lucem equali gloriã edere possi-
mus. Idem in armis Tyronicium Tuum
fuit, quod & Herculis, ille Nemeen syl-
vam excoriato Leone, inserta victricia
sibi coegit, Tu sagorum triste nemus in
palmas frondescere iussisti. Accedenti
Tibi hostile solum, accidebant è latebris
furores asctici Barbarorum. Nunquam
Servatrices Patrij Imperij Cruces Tar-
tarum magis perculerunt, quàm cum
Te Hæredem Pilavium, in armis aspe-
xit. Nec passi sunt in faciem Tuam ve-
nire Lemures Scythici, quorũ terga tan-
tũ vidisti. Ipsi se exspoliabant, non ex-
spoliabantur, ut & Tuis Manubijs, &
sue fugæ consulissent. Timidorum ar-
ma, ultro à latere suorum Authorum,
in castra Victoris transeunt, ut genero-
siori tractentur manu. Sentit, quem pati-
tur sessorem animosior caballus. Syl-
vestribus debellatorum Faunorum ado-
reis, Podhajecenses succedunt manubia.

Tau.

Tauricani Martis robur, rubori eidem
fuerat, cum gravis adeo Patriæ hostis,
ibi levi manu Tuâ profligatus, pacem,
quam in Polonia turbavit, ad Rhodo-
pen quæserit. Catenata mancipia servi-
re Victori debuerunt, quæ servire vene-
rant. Equites Hyppocentauri, didicerunt
in Palastra Heroicæ Tuæ Virtutis hu-
milius sub compedibus incedere. Suo
damno expertus est Thracius Diomedes,
obdurato chalybe Achilli nostro nõ bene se
congressum fuisse. Ab Oriente, in Septem-
trionem movisti aquilas. Detruncatâ
Bisthonidis Cynthiæ superbiâ, ferreas
casses tetendisti Gothico Leoni, quem ad
Brodniciam, Marusewiam, Calissium
non terruisti tantum ignibus bellicis,
sed attonsa etiam ferro jubâ, in Balthi-
cum speleum compulisti. Quis ex rei ge-
stæ dignitate, edisserere possit, illam Tuæ
magnanimitatis & imperterritæ mentis
fortitudinem? quâ tot Civilis belli fulmi-
na, armati septentrionis tempestates,
periclitantis fortunæ incommoda, sub to-
nitru belli animosior, in procellis sereni-
or, ad pericula alacrior, inter motus

Insignis eius
in Podhaie-
censi præ-
lio dexte-
ritas.

Ad Brodniciâ
Marusewiâ
Calissium
hostem Pa-
triæ cædit.

Infractus
quævis ad
fera bella
stetit.

publicos, quasi è specula eminentior, de-
spexisti. Dodoneæ quercus exuvijs leo-
num, clypeis, & aheneis indutæ thora-
cibus, fulmine, aut pugnaci ventorum
rabie moventur; Ausoniæ Alpes malleo
Annibalis cesserunt; admisit scissus Athos
Victorem Persam Jupiter infra se &
cælum immanes despiciebat Titanas, &
tamen,

Magnum illa terrorem intulerat Jovi
Fidens juventus, horrida brachijs,
Fratresq; tendentes opaco
Pelion imposuisse Olympo.

Tu inter Martiales flâmas non adu-
sus, inter malleum & incudem Septem-
trionalis Vulcani non fractus, inter ar-
morum fulgura interritus, omnibus rui-
nis altior stetisti, ut juratam Majesta-
ti Polonæ fidem, tecum, supra quodvis
periculum extulisses. Quod verò milita-
ribus ingenijs rarum est, Te bella geren-
te, pacis studio animus exercetur. Illa
in vultu Tuo acceptio, in verbis clemē-
tia, in ore mansuetudo, in populum co-
mitas, cum Proceribus unio, in omnes af-
fabilitas, in Curijs rectitudo, in Comiti-
js æquanimitas, ad satietatem spectanti-

um

um oculis usurpatur, quasi extra omnem armorum facultatem existeres. Quodsi ad Tribunalia Regni, publicis votis electus Deputatus Judex, ream scelerum malignitatem, aut lege corrigere, aut securibus feriri voluisti, quâ sanctitate judicij, quo verborum pondere? quâ sententiarum æquitate id præstitisti? in tot Tibi Divini justæ Themidis fascis silvescunt laureas, quot triumphasti crimina, tot Civicas contribuit Curia, quot sceleratos Cives perdidisti. Non minor enim Crudelitas est, criminibus parcere, quàm innocentiam opprimere; & æquè Patriæ Pater est, qui seditiosa capita plectit, quàm qui bonos in sinu complectitur. Sævus incolumitatis curator est medicus, qui in mēbra totâ styge calentia non sævit. Et quamvis ignoscendum sit aliquando temeritati, non tamen deploratis ingenijs, si quidem,

Crescet & exhaustas spoliabit pignore vites,
Ni ferat armiferam noxia sylva manum.

Hoc in Te temperamentū adoravit semper avidissima Tuæ justitiæ Curia; Nec promiscua, aut vulgaris Tibi clementia est, nec centum custodijs præmunita. Nemo Te in sententia gravem, nisi gravitas scelerum, nemo in judicio formidabilem nisi formido delinquentis conscientiæ, nemo in tribunali severum, nisi lenocinia peccantium senserunt. Metuunt sibi scelera, quoties Tibi stipulatam, cum ense manū Justitia porrigit. Quamvis Tu, involutos causarum nodos, felicius quàm Gordium ferro Alexander, districtâ ratione resolves. Cæcum aliàs Numen, Astræa, ad lumen judicij Tui semper videt, nec palpare amplius scelera, sed perspicere & prosequi poterit, cui omnem

L

hu-

Ad Tribunal Regni multoties Deputatus Judex.

Judicio premitur discolor causa suo.

Ab Tribu
nal Regni
mentibus
Deputatus
Index.

Auris, Ju-
dicibus, nō
manus ap-
ta dari.

humanae iniquitatis obicem, ad quem haec Dea
impingeret, amovisti. Plus dicam, Petras scan-
dali, & lapides offensionis, in fundamentum &
ruinam Judicialis Sanctuarij consecrasti, dum
scandala, & offensas allisisti ad Petram. Nun-
quam in foro Tuo causas reorum, aurum diser-
tius defendit. Nunquam vocale aēs, quo minus
aequitati attenderes, pretioso sonitu aures distra-
xit. Ad cor justae Themidis, non ad manus Aiaci,
ad lances, non ad urnam, peroret necesse, qui
actionem evincere conatur. Solennitates juris,
devotas sibi mentes, non amant aureo ejusmodi
tinnitu ad Tutelares aras justitiae evocare. Actum
est de innocentia, ubi actor Plutus litigat.

Avariorem quis bene Tantalum
In consulentis limina Curiae
Admittat? ut is naufraganti
Praesidium ferat aequitati.

Aliqui ad forum judicij, quasi ad Satur-
ni messem accelerant, Tu Avitis avarijs, & Te
ipso satis opulentus, solo legum, & commodi publi-
ci amore in curiam extraheris. Impar est ora-
tor, Tuam in attentione causarum vigilantiam,
in favore pupillaris negotij sollicitudinem, in ex-
cutiendis difficultatibus facilitatem, in componen-
dis partibus comitatem, in ferendis Sententijs re-
ctitudinem, in reos clementiam, in miseros bene-
volentiam, in contumaces robur brevi hac comple-
cti paginam, nisi ipsa Themis Curiali ferro, pro ca-
lamo, in pectoribus Civium, pro tabulis, immor-
tale Tibi concinnet elogium. Qualem Te in suo
Generalium Comitiorum Augustali venerabitur
Sarmatia Oratorem? **ILLUSTRIS-SIME DO-
MINE**, quo honore Tuis ferri lacertis gaudebit

Ad Genera-
lia Comitiora
Reg: ex Ter-
ra Chelme-
si Legatus;
& antea
multoties.

Chez-

*Cheſmensis Terræ Hæmiſphærium? quâ aviditate Senatoriæ curules, Tuis recreari conſilijs anhelabunt? qui toties jam in hoc Purpuratorum Numinum concilio, quidquid inter arcana Reipublicæ ſubtilis, inter ſententias perplexi, inter negotia ardui, elevata rationis ope attigiſti, ſalutaribus conſilijs enodaſti, martiali animo excuſſiſti; Niciam, aut Themiftolem Athenis, Cyneam Epyrotis, Antipatrum Macedoniæ non invidemus, qui Patriam Majestatem, apud exteros Principes, animo regnis majore circumtulērunt; tutius Sarmatica Integritas, Tibi noſtro Mercurio, integri pectoris Heroi, ſe cōmunicat, cujus omne ſtudiū eſt, caput Curis Reipublicæ, cor amori libertatis, Vitam ſaluti populorum immolare. Ad Avitam Aboriginum Tuorum Celſitudinem, accedunt, & Nuptiali immiſcentur triumpho, Celſiſſimi Principes Imperij **LUBOMIRSCIJ**, & cum illis Princeps **NEOBURGENSIIUM** Ducum Aula, Auſtriaci Archiduces, Cæſares ipſi, Romanum Imperium, quod Celſiſſimæ genitrici Tuæ debes; Accedunt emeritiſſimi Duces **RADZIWIŁIJ**, **CZARTORIENSES**, **SANGUSZKOWIJ**, Illuſtriſſimæ **SAPIEHARUM**, **LESCZYNIORUM**, **ŚLUSZKARUM**, **DANIELOVICIORUM**, **KALINOVIORUM**, & mille aliæ Proſapiæ, quas tenui aliquâ circumſcribere velle congerie, inconfultæ foret temeritatis. Satis Te in Augusto Tuo ſpectaſſe Ortu, ſatis confederatam utriuſq; Ducalis Sanguinis Majestatem, ad perenne Hymenæi Veſtri **ILLUSTRIS-SIMI NEOSPONSI** deduxiſſe ornamentum. Modò ad dulcem Votorum harmoniam, Atticas*

*extra Graciam evocabimus Apes, quæ non ful-
gentibus tantum Majorum Ceris, sed & melleo
Hymenis Vestri seculo deserviant.*

Hyblææ volucres, dulcia pignora,

Huc è Thessalicis currite pascuis,

Et quas Attica Pallas

Ceris nutrit, Apes, Ducum.

Hic vos nobilius nectar habebitis,

Quam quod sidereo præbet Hebe Jovi,

Solertiq; feretis

In proboscide mel Sacrum.

Hic fertis Procerum perpetuis virent,

Florentesq; ferunt regna propagines,

Hic stirps florida Gentis,

Gratis fragrat odoribus.

Hic vernat rosei purpura Sangvinis,

Pæstanâ potior, vel Sybaritide,

Florum regia mater

Quam nobis satis invidet.

Hic intacta nigro Lilia funere,

Candor patritiæ lacteus indolis,

Hic mens, nescia falsis

Tingi dotibus, eminet.

Civis, nempe, bonus flos Patriæ est; neq;

Sic proles Zephyri prospera pullulat,

Vt Maje genitricis

Floret Mercurius Iovi.

Regum gratus odor, vir fidei tenax;

Nullo prosperius nectare pascitur

Quam sudore calentium,


Princeps regia frontium;

Ergo mellifices, posthabitâ Samo,


Matres huc properis ite volatibus,

Et condite beatis

SPONSIS MELLEÆ SÆCULA.









Biblioteka Jagiellońska

SIIDR0019765

